

ARCHÄOLOGISCHER DIENST GRAUBÜNDEN

SERVETSCH ARCHEOLOGIC • SERVIZIO ARCHEOLOGICO




Exchavaziuns al Haselhodenkopf sur la chava da crappa a Vaz sut

5500 a. C.

2200 a. C.

Temp da crap tardiv al Calanda da Vaz sut

Dapi il 6. millenni a.C. datti vitgs da purs en la Val dal Rain grischuna. Sco abitadis èn vegnids tschernids lieus ch'eran protegids cunter inundaziuns e nua ch'igl era pussaivel da cultivar ers e da laschar pascular il muvel. En la cuntrada ritgamain structurada vi dal Calanda èn enconuschents plirs lieus d'abitadi. Las scuvertas las pli giuvnas èn vegnidas fatgas sin il Haselboden tar Vaz sut. En il territori da la chalchera èn vegnidas fundadas differentas culegnas durant il temp da crap tardiv. Chats cumprovan vitgs enturn 3800, 3300 e 2600 a. C. Ultra da las structures architectonicas han las exchavaziuns manà a la glisch blers chats. Las stgaglias da la culegna la pli giuvna cumprovan per l'emprima giada che la cultura da la cheramica da corda era derasada er en il Grischun.



Toc da cheramica da corda (ca. 2600 a.C.)



Lama da crap d'ina sigir (ca. 3800 a.C.)

Mantegnair – examinar – intermediar

L'archeologia perscrutescha l'istorgia e la vita da generaziuns da pli baud. Ella gida ils umans d'encleger lur passà e lur derivanza e da concepir lur futur.

Il servetsch archeologic dal Grischun inventarisescha e protegia dapi l'onn 1967 ils lieus da chat ed ils chats dal chantun periclitads. El fa exchavaziuns ed è responsabel per ina conservaziun, per in deposit e per in'archivaziun moderna da chats e da documentaziuns. El intermediatescha ils resultats en moda fitg variada a la populaziun ed a la scienza e stgaffescha uschia ina conscienza per il ritg patrimoni cultural da noss chantun.



Amt für Kultur
Uffizi da cultura
Ufficio della cultura

Amt für Kultur Kanton Graubünden • Archäologischer Dienst • Servetsch archeologic • Servizio archeologico
Loëstrasse 26 • CH-7001 Chur • Tel. +41(0)81 257 48 50 • info@adg.gr.ch • www.archaeologie.gr.ch